



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 57. Orangius Princeps recusato Sacramento suis dignitatibus cedens.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.
A. C. 1567. in Regis ditionibus constituto, ac unius ex quatuordecim Belgicorum equitum centuriæ Ductore Gubernatrix per certos nuntios, & compositis deinde literis exegerat Sacramentum fidelitatis, diu tergiversabatur, & postremo cum iuberetur regimen equitum deponere, centuriam recusato jurejurando remisit. Abnuerunt quoque Sacramentum, quamquam paulo civilius, Comites Hochstratanus, Hornanusque, qui dicebant, Sacramentum, quo se superioribus annis obstrinxerant, satis esse. Accepta hac repulsa Gubernatrix Hochstratum Comitem Mechliniæ Præfectura semovit, eamque Baroni Semerio integræ Religionis, ac fidei viro demandavit.

§. LVII.

Orangius Princeps recusato Sacramento suis dignitatibus cedens.

Strad. l. c. Postea Orangius Princeps recusato etiam Sacramento Gubernatrici scribens inter alia monuerat, ut Hollandis, Zeelandisque, atque Burgundis quemdam Præfectum designaret, eo quod ex Regis sententia intelligeret, quod ipse harum Provinciarum regimini cedere deberet. Hæc propositio Gubernatricem suspensam tenebat, cum hunc Principem aperte inimicum sibi nollet, cui
subi-

subigendo satis virium nondum haberet: mittit igitur ad eum Antverpiam Joannem Baptistam Bertium, suum a secretis ministrum, qui illum privata curantem reperit, eique epistolam, qua Gubernatrix ejusdem Bertii dictis fidem haberi volebat, obtulit, ac multis ostendit rationibus, quod consilium deponendi Præfecturas, nec Gubernatrici, nec cuiquam Procerum probaretur, cum id non solum esset provinciarum necessitatibus importunum, atque ipsi Orangio Principi indecorum, sed etiam hujusmodi Præfecturas a Rege traditas, nec Gubernatrix alicui adimere, nec ipse Rege haud prius consulto pro suo arbitrio deponere posset: ideo resumeret quamprimum publicas curas, perpenderetque, non temere postulari a Rege, ut in communi Provinciarum tumultu ipsi Provinciarum Præfecti, instaurato Sacramento, studium, operamque suam ostentarent. Ad ea Princeps Orangius præsentem, qui forte supervenerat, Hochstratano Comite respondit: „ Multis, „ gravissimisque de causis, Sacramentum abnui, nam primo ex iis, qui „ præcesserant, Provinciarum Præfectis nunquam exactum id fuit: insuper, cum fidem meam jam pridem Regi juratus obligaverim, sicuti fecerunt „ Proceres alii, qui Regis in ditione

Sæcul. XVI.
A.C. 1567.

H 3

„cer-

Sæcul. XVI.

A.C. 1567.

„consentur, ideo videri possem, ac si
 „adversus promissa peccassem, eoquod
 „ad ea rursus jurejurando adigerer, præ-
 „terea juravi, me mearum Provincia-
 „rum privilegia servaturum, defensu-
 „rumque, si autem nunc forte quid con-
 „tra illa imperaretur, parere imperanti
 „non possem, impeditus jurisjurandi
 „Religione, & tamen morem gerere co-
 „gerer, si jurarem in præsentia, factu-
 „rum me, quidquid Regis nomine ad-
 „versus quoscunque imperatum sit: ad
 „hæc in oblata mihi jurisjurandi for-
 „mula Imperator non excipitur, cui be-
 „neficiario jure cum sim obstrictus, nun-
 „quam in illum arma sumam, immo
 „nec ibi excipiuntur filii, aut amici,
 „uti Cliviæ Dux, alique non pauci,
 „quibus bellum inferre nullatenus po-
 „terero: his accedit, quod multa quoti-
 „die in eos, qui in Catholicorum nu-
 „mero non sunt, edicta proponantur,
 „quorum ego minister esse nolo, refu-
 „giente animo ejusmodi supplicia ob-
 „causam Religionis irrogari solita; cum
 „etiam ex eo Sacramento cogi possem,
 „ad uxorem meam ultimo supplicio ma-
 „ctandam, quippe Lutheri secta imbu-
 „tam: denique, & hoc mihi perpen-
 „dendum venit, quod is, qui Regis
 „nomine in Belgio brevi imperaturus
 „adveniret, posset esse hujusmodi vir,
 „cui

„cui subdicere me haud sane decorum
 „generi meo ducerem, prout fieret, si
 „forte veniret Albæ Dux; „ enimvero
 Albæ Ducis, prout fama ferebat, ad-
 ventus turbabat Oranium Principem,
 qui sibi haud tutum cum eo commer-
 cium esse posse, existimabat. Tandem
 Bertius ad singulas Oranii rationes re-
 spondens eundem rogabat, ut antequam
 hoc consilium caperet, cum Egmontio
 Comite, aliisque nonnullis, quoscun-
 que seligere vellet ex Belgii Proceri-
 bus, colloquium hac super re haberet.

§. LVIII.

*Colloquium Oranii Principis cum
Egmontio Comite*

Annuens huic conditioni Oranius Prin-
 cept Villabrocum pagum, Bruxel-
 las inter, & Antverpiam situm, collo-
 quio designat, quo cum hinc Princeps
 Orangius, inde autem Egmontius, ac
 Mansfeldius Comites, & Gubernatri-
 cis jussu Bertius convenissent, eadem-
 que rursus, ac sæpius agitassent, infe-
 cta re abiere. Ferunt, Orangium, an-
 tequam inde recederet, cum Egmontio
 Comite seorsum abducto de imminenti-
 bus periculis locutum, ac orasse illum,
 subduceret sese, gravidamque cruore
 tempestatem ab Hispania impendentem
 Belgarum Procerum capitibus ne ope-

H 4

rire

Sæcul. XVI.
A.C. 1567.